

修西定課



修西定課

許序曰。昔佛法入中國。既數百年。慧遠法師。方以淨土收束羣靈。雖一百二十三人。未能一生都辦。然一生取辦者。不少矣。此一百二十三人。皆以宏誓互相鈎攝。深諧佛願。畢發蓮香。轉度冤親。引生眷屬。後之聞水聲而開念佛。入寂定而往西方。夢兆神徵。輝映震旦。固皆此一脈之明暗相生也。宗門識高力透。高步人天。直趨無上寂光。權抑三種淨土。實報方便同居甘芳不著。妙勝醍醐。然不遇夫上根。必化而爲毒藥。故曹溪八世孫永明禪師。同宗鏡之全光。入西方之一脈。

有因及言
焉。諸法門中。花嚴大備。雲棲大師。具正知見。游花嚴
法海。悲深識卓。思精用宏。撰成彌陀疏鈔。委曲引歸
極樂。老實念佛。天龍喜歡。無量眾生。如得慈母。故禪
講兩家之。未。能。不。受。後。有。者。無。不。以。此。爲。神。明。休。息
之。地。禪。講。兩。家。之。已。能。不。受。後。有。者。無。不。以。此。爲。水
月。道。場。之。緣。自。度。度。人。無。等。等。法。捨。念。佛。往。生。一。門。
而。更。何。有。也。噫。神。游。法。界。璀璨玲瓏。步三教之園林。
得一心之歸宿。吾友鄭子。今庶幾焉。著宗鏡堂叢書
四十八種。以修西定課爲第一。予一見。生歡喜心。與
眷屬謀。首取而刻之。願與十方信心人。同此光明受。

用耳。仁和許樾身。

自序曰。非定不戒。非定不慧。不定者。輪回之象也。一切眾生。累劫以來。孰不會爲善。孰不會修行。孰不會念佛。孰不會發願。但以心光不定。淨土未生。故長久漂沈。不蒙解脫耳。苦哉痛哉。依我此書。每日修持。必有光明來相接引。三生眷屬。其共勉焉。咸豐十一年正月。淨業學人菩薩戒鄭澄德學川鄭澄源學焯排定注。明謹序其緣起。以此功德。願我君父安平。淨業光昌。慧音成就。

先舉香讚

心香乍

爇法界同

熏

蓮池海會悉遙聞

我佛起祥雲

嘉瑞續

紛

接引

願方殷

嘉瑞續

紛

接引願方殷

每一圈擊魚一聲

信心為香。法界者。統心法事法之所到而為界。言

其廣大無所不包也。蓮池海會。指西方淨土中人

也。我佛指阿彌陀也。必言我者。從我心光明中出

現。光明不聚不能見佛也。起者。從西方極樂世界

來。赴東土娑婆世界也。嘉瑞樓閣幢幡異香天樂

之類也。繽紛文彩交互也。願方殷者。阿彌陀佛修

行之時作法藏比丘對世自在王如來前發四十八願願願成就方成佛道其四十八願皆是多設方便廣度十方六道眾生勸其念佛生於極樂世界。中修行不退便悟真宗成就威神轉相化度也。今阿彌陀佛願力圓成作佛已久願光慈照接引心深譬如一鏡涵空影來則現所以叩之而無不通也。

南無蓮池海會佛菩薩

三稱
三拜

佛說阿彌陀經

佛東方娑婆世界釋迦牟尼佛也。釋迦在此娑婆

成佛。隨眾生壽。不過百年。愍念娑婆眾生。見佛不
易。釋迦以後。彌勒以前。千萬年中。受大苦惱。故說
此阿彌陀經。流布世間。使諸苦惱眾生。修七日之
功。免永劫之苦。轉凡成聖。不退佛因也。經法也。經
名阿彌陀者。純說阿彌陀佛度生因緣功德也。阿
者無也。彌陀者量也。其佛萬德圓成。不可窮盡。故
名無量。於萬德中。願爲最勝。願力大。故光明無量。
願心長。故壽命無量也。諸經所稱無量壽佛。無量
光佛。卽此佛矣。釋迦說此經。在東土娑婆世界南
瞻部洲舍衛國。傳至震旦。震旦卽南洲東邊。我輩

所居也。梵文古茂。不可持誦。有姚秦時之三藏法師鳩摩羅什者。翻譯此經。經義圓妙。不可淺測。有大清朝之菩薩戒鄭學川者。作爲今解。今解者。取經中今現在說法。今發願今生之義。望人一生取辦。便不入於父母之胎。妙取蓮花。高超界外也。○夫佛說我聽。皆從心現。但是心說心聽耳。心體如鏡。山河大地。人物虛空。我及如來。種種形類。但是妙圓心鏡中所現影子耳。

如是我聞。

如者。心之真體。譬如鏡也。是者。心中所現法。譬如

在全鏡上指出一個影子也。我者二義。自經言之。卽是結集之阿難也。自讀經言之。卽是持誦之人也。聞者。心慧之動機也。心耳同用。方謂之聞。

一時佛在舍衛國祇樹給孤獨園。

祇音其

一時者。諸天及人。時分各異。佛音周徧。不能專指一方也。佛釋迦牟尼也。生於周昭王時。歿於周穆王時。大悲影現。來度眾生。非歿非生。現作生歿。譬如水月燈雲。玲瓏妙映耳。佛之本體。但是光明。吞吐虛空。無處不到。豈有生死往來耶。○佛者覺也。無有不覺之處。無有不覺之時。破盡昏沈。自他咸

惱賊。二者怖散一切魔。三者應受人天供也。大阿羅漢者。發菩薩心轉入大乘者也。小乘阿羅漢者。眾所知識。

皆知其名。皆識其面。言德望全也。此一千二百五十羅漢。多有大菩薩影生其中。

長老

德勝爲長。臘高爲老。出家一歲爲一臘。此二字通指以下十六羅漢也。

舍利弗。

舍利。此言鷲鷲也。弗。此言子也。尊者之母。自明如

鷲鷲。故尊者名鷲子也。此尊者智慧第一。言此發願往生一法。非大智慧者不能圓信。故首列之也。

摩訶目犍連。

犍音尖

摩訶。此云大也。目犍連。此云采菽氏也。

摩訶迦葉。

葉音攝

此云大飲光也。

摩訶迦旃延。

此云大文飾也。

摩訶俱絺羅。

絺音郝

此云大膝也。

離婆多。

此云星宿也。

周利槃陀伽。

伽音
茄

此云繼道也。

難陀。

此云善歡喜也。

阿難陀。

此云慶喜也。佛之堂弟。佛成道日乃生。爲佛侍者。數十年。佛之經典多由彼結集。

羅睺羅。

此云覆障也。佛生淨飯王家。名悉達太子。太子欲
出家。父王不許。且爲納妃。欲其傳後。太子以手指
妃之腹曰。六年之後當生一子。說此語後。太子卽
出家。未住母胎時。障父出家。旣住母胎時。自障六
年。故云覆障也。此尊者前世塞鼠穴六日。故現此
報。

憍梵波提

憍音交

此云牛呵也。牛嚙後吐出復嚼曰呵。此尊者前世
罵人爲牛。故現此報。

賓頭盧頗羅墮

賓頭盧。此云不動也。頗羅墮。此云利根也。上名下

姓。

迦留陀夷。

此云黑光也。

摩訶劫賓那。

那奴何切

此云大房宿也。

薄拘羅。

此云善容也。

阿菟樓駄。

菟奴侯切

此云無貧也。此尊者無目。心眼洞見。以此居十六

人之末言西方境界當心領神會而造之也。

如是等諸大弟子。

以此十六例一千二百五十人也。

并諸菩薩摩訶薩。

菩者菩提也。此云覺。薩者薩埵也。此云有情。上兼覺。下兼情。以佛覺度有情。斯爲菩薩矣。摩訶薩猶云大道心眾生也。

文殊師利法王子。

文殊師利。此云妙首也。此菩薩大智無遮。於佛所言更無疑惑。故首列之也。於法自在。名曰法王。卽

如來也。大菩薩能傳佛法爲法王子矣。

阿逸多菩薩。

阿逸多。此云無能勝也。卽彌勒菩薩之名。彌勒。此云慈氏。菩薩之姓也。彌勒在釋迦後一千萬年。方成佛道。釋迦化度未熟之眾生。皆以付之。但眾生之中。種性不一。有性急不耐生死。不能待一千萬年後之龍華三會。宿緣旣露。勝境先成。故釋迦於彌勒前說此經。欲彌勒於未成佛前。速滿眾生之願。扶持加被。達之西方也。又以中下眾生。修行易退。彌勒旣未下降成佛。則眾生見佛。當在何時。若